

13. Ulica koja polazi od Regionalnog puta Sarajevo-Kiseljak i ide preko Voćnjaka do Gornjeg Vlakova (od prodavnice "Dobrinja" do ograde voćnjaka) daje se naziv
Ul. "PLANTAŽE"
14. Ulica koja prolazi od Ulice "Plantaže" i ide pored potočića Rakovica prema Preduzeću "Put" Sarajevo (od kuće Centar za izbjeglice do kuće Pejdah Džemala), daje se naziv
Ul. "POLJE"
15. Ulica koja polazi od Magacina Preduzeća "UPI" Sarajevo i ide lijevo prema selu Kakrinje (od kuće Đaturović Safeta do kuće Imamović Bajre), daje se naziv
Ul. "GRABOVINE"
16. Ulica koja polazi od Magacina Preduzeća "UPI" Sarajevo i ide pored lijeve strane voćnjaka prema selu Kakrinje (od kuće Bojadžić Ajka do kuće Hasanbegović Sulje), daje se naziv
Ul. "VIDOVCI"
17. Ulica koja polazi od Regionalnog puta Sarajevo-Kiseljak i ide prema selu Kakrinje (od kuće Marilović Sime do farme krava) daje se naziv
Ul. "ZELENI ARIŠ"
18. Ulica koja polazi od ograde Plantažnog voćnjaka i završava se na kraju sela G. Vlakovo (od ograde voćnjaka do kuće Šobo Jove) daje se naziv
Ul. "GORNJE VLAKOVO"

II

MZ OSIJEK

Ulica u Mjesnoj zajednici Osijek koja se odvaja od Ulice "Osik" kod kuće Zahiragić Šabana i ide jednim krakom lijevo do rijeke Zujevine, i drugim krakom desno do rijeke Bosne, daje se naziv

Ul. "KARAMUŠIĆI"

III

MZ ILIDŽA CENTAR

U MZ Ilidža Centar autobuski i tramvajski terminal (od broja 1 do 35 jedna strana i od broja 2 do 36 druga strana, do sada nije imao ime), daje se naziv

Ul. "HARISA MERZIĆA"

IV

n 22.

Nadležni organ uprave Općine Ilidža dužan je da u što kraćem roku izvrši obilježavanje ulica i puteva, a Kantonalni zavod za planiranje razvoja Grada dužan je u roku 8 dana uvrstiti u registar ulica i trgova nazive ulica i puteva iz tač. I, II i III ovog rješenja.

V

Ovo rješenje objavit će se u "Službenim novinama Kantona Sarajevo".

Broj 01-23-329/00

9. novembra 2000. godine
Sarajevo

Predsjedavajuća

Skupštine Kantona Sarajevo
Dženana Zlatar, s. r.

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97 i 14/00), člana 54. st. 1. i 2. i člana 154. Zakona o prostornom uređenju ("Službene novine Kantona Sarajevo", br. 13/99 i 19/99), Skupština Kantona Sarajevo, na sjednici održanoj 9. novembra 2000. godine, donijela je

ODLUKU

O USVAJANJU REGULACIONOG PLANA
„OTOKA - MEANDER”

Član 1.

Usvaja se Regulacioni plan "Otoka - Meander" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Projekciju izgradnje i uređenja prostorne cjeline sa mjerama i aktivnostima za provođenje Plana,
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata,
- Idejna rješenja saobraćaja, komunalne i energetske infrastrukture,
- Idejno rješenje hortikulture.

Član 3.

Po jedan primjerak ovjerenog Plana nalazi se na stalnom javnom uvidu i čuva u službi dokumentacije Općine Novi grad Sarajevo, Zavoda za planiranje razvoja Kantona Sarajevo i Minsitarstva prostornog uređenja i komunalnih poslova.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-328/00

9. novembra 2000. godine
Sarajevo

Predsjedavajuća

Skupštine Kantona Sarajevo
Dženana Zlatar, s. r.

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97

i 14/00) i člana 154. Zakona o prostornom uređenju ("Službene novine Kantona Sarajevo", br. 13/99 i 19/99), Skupština Kantona Sarajevo, na sjednici održanoj 9. novembra 2000. godine, donijela je

ODLUKU O PROVOĐENJU REGULACIONOG PLANA „OTOKA - MEANDER”

Član 1.

Ovom odlukom uređuju se uvjeti korišćenja, izgradnje, uređenja i zaštite prostora i način provođenja Regulacionog plana "Otoka - Meander" (u daljem tekstu: Plan), a naročito: granice prostorne cjeline i granice površina raznih namjena, urbanističko-tehnički uvjeti za izgradnju građevina, uvjeti uređenja građevinskog zemljišta, uvjeti za izgradnju građevina za sklanjanje stanovništva i materijalnih dobara za potrebe odbrane od ratnih djelovanja, uvjeti za privremeno korišćenje javnih površina, uvjeti korišćenja zemljišta na zaštitnim infrastrukturnim pojasevima i zaštićenim područjima, uvjeti uređenja zelenih i slobodnih površina, te odnosi prema postojećim građevinama, kao i djelatnosti i uvjeti pod kojima se pojedine djelatnosti mogu obavljati u planiranim poslovnim i drugim prostorima.

Član 2.

Plan obuhvata područje površine od 30 ha. Granica počinje od mosta na rijeci Miljacki preko kojeg prolazi VI transversala te polazi na jugozapad idući lijevom obalom rijeke Miljacke (obuhvata je) i izlazi na put k. č. 38/4 kojim produžava u pravcu juga te istoka idući njegovom istočnom stranom (obuhvata ga) i južno od kotlovnice na "Otoci" koju ne obuhvata izlazi na ulicu Kraljice Jelene k. č. 3286 kojom produžava u pravcu juga te jugozapada (obuhvata je) i izlazi na Gatačku ulicu k. č. 3293/1 kojom produžava na zapad idući njenom južnom stranom (obuhvata je) produžava u pravcu zapada idući trasom projektovane saobraćajnice (produžetak Gatačke ulice) koju obuhvata preko parcela k. č. 1289/3 i 1374/3 izlazi na Majdansku ulicu kojom produžava na sjeverozapad k. č. 3294/2 koju obuhvata (idući njenom sjeverozapadnom stranom) i dolazi do ulice Bajrama Zenunija k. č. 3294/1 kojom produžava na sjeverozapad idući njenom zapadnom stranom (obuhvata je) i dolazi do njenog raskršća sa Bulevarom Meše Selimovića k. č. 3307 kojom produžava na sjeveroistok idući njegovom sjevernom stranom (obuhvata ga) pa dolazi do mosta na Otoci odnosno mjesta odakle je opis granice i počeo.

Sve naprijed navedene parcele nalaze se u K. O. Novo Sarajevo VI, a opis granice uzet je sa listova R = 1:1000.

Član 3.

U sklopu obuhvata ovog plana definisane su zone sa slijedećim namjenama:

- Zona u okviru Centra "Otoka",
- Zona sanacije i rekonstrukcije,
- Zona stanovanja,
- Zona zaštitnog zelenila.

Član 4.

Zona u okviru Centra „Otoka” obuhvata područje površine od 18,250 ha, čija granica počinje od mosta na rijeci Miljacki preko kojeg prolazi VI transversala te polazi u pravcu jugozapada idući ulicom Žrtava fašizma te dolazi do njenog raskršća sa putem k. č. 957/2 kojim produžava u istom pravcu te dolazi do tačke broj 1 koja se nalazi na medi između parcela k. č. 957/2 i 958/1 udaljenoj od jugozapadnog ishodišta lista R = 1:1000 broj 204 po y = 232 m, a po x = 218,5 m, nastavlja na sjeverozapad do tačke broj 2 koja se nalazi na parceli k. č. 1281/1 udaljenoj od jugozapadnog ishodišta lista R = 1:1000 broj 204 po y = 222 m, a po x = 223 m, produžava na jugozapad te zapad idući šetnicom uz lijevu obalu rijeke Miljacke koju obuhvata i dolazi do tačke broj 3, koja se nalazi na parceli k. č. 1281/1 udaljenoj od jugozapadnog ishodišta lista R = 1:1000 broj 204 po y = 31 m, a po x = 193 m, produžava na jug u pravoj liniji i dolazi do tačke broj 4 koja se nalazi na parceli k. č. 1281/2 udaljenoj od jugozapadnog ishodišta lista R = 1:1000 broj 204 po y = 24 m, a po x = 164,5 m, lomi se idući na jugoistok u pravoj liniji od tačke broj 5 koja se nalazi na parceli k. č. 1281/1 udaljenoj od jugozapadnog ishodišta lista R = 1:1000 broj 204 po y = 37 m, a po x = 147 m. Granica obuhvata produžava u pravcu jugozapada, zapada te sjeverozapada idući međom novoprojektovane garaže koju obuhvata, produžava u istom pravcu idući granicom novoprojektovanog stadiona kojeg obuhvata te dolazi na najjužniji rub parcele k. č. 1302/2 (Depo trolejbusa), produžava u pravcu zapada u pravoj liniji i izlazi na ulicu Majdanska kojom produžava na sjeverozapad, nastavlja na sjeveroistok idući međama parcele k. č. 1303/1, 1303/6, 1303/5, 3306/5 i 1304 koje ne obuhvata te izlazi na ulicu Meše Selimovića i njome nastavlja na sjeveroistok do mosta odnosno mjesta odakle je opis granice i počeo.

Sve naprijed navedene parcele nalaze se u K.O. Novo Sarajevo III, a opis granica je uzet sa listova R = 1:1000.

Član 5.

Zona sanacije i rekonstrukcije obuhvata područje površine od 4,069 ha, čija granica počinje od raskršća ulice Meše Selimovića i Bajrama Zenunija te polazi na istok idući ulicom Meše Selimovića, skreće u pravcu juga te jugozapada idući međama parcela k. č. 1304, 3306/5, 1303/5, 1303/6 i 1303/1 (obuhvata ih) i izlazi na ulicu Majdanska te njome produžava na jugoistok do tromede parcela k. č. 1291/1, 1363/2 (ulica) i 1281/1, produžava na istok idući sjevernim međama parcela k. č. 1291/1 i 1288/2 (obuhvata ih), nastavlja u istom pravcu idući međama parcela k. č. 1298/1, 1285, 183, 1260/2, 1262/1, 1261 i 1263 (obuhvata ih) te dolazi do tromede parcela k. č. 1263, 1280 i 3293/1 (ulica Gatačka), nastavlja na istok idući međama parcela k. č. 1280, 1279, 1265 i 1264 koje ne obuhvata pa dolazi do tromede parcela k. č. 1264, 1276/2 i 3293/1 (ulica Gatačka), produžava u pravcu sjevera idući istočnom međom parcele k. č. 1264 u dužini od cca 42 m, produžava u pravoj liniji na istok sijekuci parcelu k. č. 1275, nastavlja u istom pravcu sjevernom međom parcele k. č. 1276/1, presijeca parcelu k. č. 1269 te dolazi do tačke broj 1 koja se nalazi na medi između parcela k. č. 1269 i 1272 udaljenoj od jugozapadnog ruba parcele k. č. 1277 cca 7 m,

nastavlja u istom pravcu idući međama parcela k. č. 1272 do 1270/2 koje ne obuhvata te dolazi do tromede parcela k. č. 1270/2, 1270 i 965, produžava na sjeveroistok idući pored stambenih zgrada koje obuhvata sa njihove sjeverne strane i dolazi do tačke broj 2 koja se nalazi na parceli k. č. 965 udaljenoj od njenog jugozapadnog ruba po $y = 14$ m, a po $x = 38$ m, produžava u pravcu juga idući sa istočne strane stambenih zgrada koje obuhvata i izlazi na Gatačku ulicu te njome ide na istok do tromede parcela k. č. 963, 958/1 i 3293/1 (Gatačka ulica), produžava na sjever idući međama parcela k. č. 963 i 961 koje obuhvata te izlazi na put k. č. 957/2 kojim nastavlja na istok do ulice Žrtava fašizma, produžava u pravcu juga idući međama parcela k. č. 950, 945/1, 940, 937 i 939 koje obuhvata i ponovo izlazi na Gatačku ulicu obuhvatajući stambeno-poslovnu zgradu iz iste ulice koji se nalazi na parceli k. č. 933. Gatačkom ulicom granica nastavlja na zapad do Majdanske ulice te njome produžava na sjeverozapad do ulice Bajrama Zenunija kojom produžava na sjever te dolazi do njenog raskršća sa ulicom Meše Selimovića odnosno raskršća odakle je opis granice i počeo.

Sve naprijed navedene parcele nalaze se u K. O. Novo Sarajevo III, a opis granice je uzet sa listova R = 1:1000.

Član 6.

Zona stanovanja obuhvata područje površine od 0,578 ha, čija granica počinje sa sjeverozapadnog ruba parcele k. č. 1276/1 te polazi na zapad idući preko parcela k. č. 1275, 1265, 1264 i 1279 te dolazi do najjužnijeg ruba parcele k. č. 1281/1, produžava na sjeverozapad te dolazi do tačke broj 1 koja se nalazi na parceli k. č. 1281/1 udaljenoj od jugozapadnog ishodišta lista R = 1:1000 broj 204 po $y = 32$ m, a po $x = 130$ m, lomi se idući na sjeveroistok u pravoj liniji i dolazi do tačke broj 2 koja se nalazi na parceli k. č. 1281/1 udaljenoj od jugozapadnog ishodišta lista R = 1:1000 broj 204 po $y = 37$ m, a po $x = 147$ m, nastavlja u pravoj liniji na sjeverozapad i dolazi do tačke broj 3 koja se nalazi na parceli k. č. 1281/1 udaljenoj od jugozapadnog ishodišta lista R = 1:1000 broj 204 po $y = 24$ m, a po $x = 164,5$ m, nastavlja na sjeveroistok idući u pravoj liniji do tačke broj 4 koja se nalazi na parceli k. č. 1281/1 udaljenoj od jugozapadnog ishodišta lista R = 1:1000 broj 204 po $y = 31$ m, a po $x = 193$ m, produžava u pravcu istoka idući trasom šetnice koja ide uz lijevu obalu rijeke Miljacke koju ne obuhvata i dolazi do tačke broj 5 koja je udaljena od jugozapadnog ishodišta lista R = 1:1000 broj 204 po $y = 222$ m, a po $x = 223$ m, ide na jugoistok u pravoj liniji i izlazi na put k. č. 957/2, produžava na istok idući putem k. č. 957/2, skreće u pravcu juga idući istočnom međom parcele k. č. 958/1 i izlazi na trasu novoprojektovane saobraćajnice kojom produžava na zapad u dužini od cca 34 m, nastavlja na jugozapad idući preko parcela k. č. 965, 1270/2, 1272, 1269 i 1275 te dolazi do sjeverozapadnog ruba parcele k. č. 1276/1 odnosno mjesto odakle je opis granice i počeo.

Sve naprijed navedene parcele nalaze se u K. O. Novo Sarajevo III, a opis granice je uzet sa listova R = 1:1000.

Član 7.

Zona zaštitnog zelenila obuhvata područje površine od 1,598 ha, čija granica počinje sa jugozapadnog ruba parcele k. č.

1280 (obuhvata je) te ide na sjever pa zapad međama parcela k. č. 1263/1, 1261, 1262/1, 1260/2, 1283, 1285, 1298/1 koje ne obuhvata i izlazi na Majdansku ulicu te njome ide na sjeverozapad u dužini od cca 14 m, skreće na sjeveroistok idući na istok pored novoprojektovanog stadiona i bazena kojeg ne obuhvata te južnom međom Rezidencijalnog stanovanja koje ne obuhvata a čiji opis se nalazi u prethodnom članu, produžava u pravcu juga idući zapadnom međom parcele k. č. 963 koju ne obuhvata i izlazi na Gatačku ulicu kojom ide u pravcu istoka, produžava u pravcu sjeverozapada idući pored stambeno-poslovne zgrade koji se nalazi na parceli k. č. 933 kojeg ne obuhvata, nastavlja u istom pravcu idući međama parcela k. č. 938, 936, 943 i 944 koje obuhvata te kod kotlovnice na Otoci koju ne obuhvata izlazi na VII transversalu te njome produžava na jugoistok do ulice Kraljice Jelene kojom se lomi na zapad do Gatačke ulice te njome produžava na zapad, nastavlja na sjever te zapad idući pored stambenih zgrada na parceli k. č. 965 koje ne obuhvata, nastavlja na zapad idući međama parcela k. č. 1270/2 i 1272 dio koju obuhvata, produžava u istom pravcu idući južnom stranom Rezidencijalnog stanovanja koje ne obuhvata a čiji opis se nalazi u prethodnom članu, produžava na jug idući istočnom međom parcele k. č. 1264 (obuhvata je) i izlazi na Gatačku ulicu kojom nastavlja na zapad, skreće na sjeverozapad te jug idući međom parcele k. č. 1278 koju ne obuhvata te izlazi ponovo na Gatačku ulicu kojom ide na zapad te dolazi do jugozapadnog ruba parcele k. č. 1280 odnosno mjesta odakle je opis zaštitnog zelenila i počeo.

Sve naprijed navedene parcele nalaze se u K.O. Novo Sarajevo III, a opis granice uzet je sa listova R = 1:1000.

Ukupna površina pod saobraćajnicama u obuhvatu plana iznosi 6,070 ha.

Član 8.

Urbanističko-tehnički uvjeti za izgradnju građevina:

- Građevinske parcele utvrđene su regulacionim linijama i prezentirane u separatu Idejno rješenje plana parcelacije.
- Građevinska linija utvrđuje graničnu liniju građevine u odnosu na javnu površinu, ulicu, vodotok i druge građevine i ujedno označava liniju iskolčenja. Unutar građevinskih linija investitor je slobodan da definiše tlocrt građevine u ovisnosti od potreba i želja.
- Nivelete pješačkih saobraćajnica kao prilazi i ulazi u sve građevine moraju biti isprojektovane i izvedene prema uredbi o urbanističko-tehničkim uvjetima, prostornim standardnima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).
- Nivelacione kote prizemlja građevine u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu i moraju biti od istih uvećane za min. 15 cm.
- Priključivanje na javni put i mrežu instalacija treba u svakom konkretnom slučaju posebno projektovati, a u

skladu sa Planom. Obavezno je projektovanje brojila za sve vrste instalacija i njihovo uređenje za potrebe svakog potrošača.

- Koeficijent izgrađenosti utvrđen je i prezentiran u tekstualnom obrazloženju Plana, a iznosi 0,29.
- Spratnost i odstojanje građevina utvrđene su Planom i ne mogu se mijenjati.
- Za sve građevine koji će se graditi na osnovu Plana potrebno je prethodno izraditi projektnu dokumentaciju. Projektna dokumentacija mora biti izrađena prema uvjetima predviđenim za 8⁰ MCS skale.
- Prije izdavanja građevne dozvole za građenje građevina i sportskih terena potrebno je pribaviti geološki nalaz i uvjete temeljenja od odgovarajuće stručne institucije.
- Sportske građevine i gledališta na otvorenom se mogu natkrivati isključivo u cilju funkcionalnog i savremenog korišćenja. U ovu svrhu se koriste savremeni materijali i konstrukcije sa arhitektonski prihvatljivim rješenjima.

Član 9.

Privremeno korišćenje javnih površina za postavljanje kioska, rashladnih uređaja, ljetnih bašči i sl. mogu se odobriti samo u skladu sa Odlukom o privremenom korišćenju javnih površina na području Kantona Sarajevo i Elaboratom o razmještaju koji donosi Vlada Kantona.

Član 10.

Izgradnja građevina ne može se započeti bez prethodnog uređenja građevinskog zemljišta.

Član 11.

Uvjeti izgradnje građevina za sklanjanje stanovništva i materijalnih dobara kao i za druge potrebe odbrane i civilne zaštite moraju biti obezbijeđeni u skladu sa članom 179. Zakona o odbrani Federacije Bosne i Hercegovine ("Službene novine Federacije BiH", broj 15/96).

Član 12.

Postojeće građevine društvene infrastrukture, koje se zadržavaju Planom, mogu se rekonstruisati isključivo u funkciji svoje primarne djelatnosti.

Član 13.

Postojeće građevine koje se zadržavaju Planom, mogu se rekonstruisati, dograditi ili nadzidati kako za potrebe stanovanja tako i za potrebe dobivanja poslovnog prostora u kojem se mogu obavljati samo djelatnosti koje ne ugrožavaju čovjekovu okolinu i standard života u susjednim građevinama.

Dogradnja postojećih individualnih stambenih kuća može se odobriti pod uvjetom da koeficijent izgrađenosti parcele ne prelazi 0,6, da se zadovolje odstojanja od susjedne građevinske parcele i razmak između građevina i da dogradnja ne pogoršava uvjete stanovanja u susjednim kućama.

Član 14.

Zemljište koje nije privedeno krajnjoj namjeni može se privremeno koristiti za izgradnju građevina u funkciji gradilišta unutar obuhvata Plana, parkirališta, privremenog uskladištenja

materijala u cilju rekonstrukcije i sanacije građevine komunalne infrastrukture i saobraćajnica.

Nakon privođenja zemljišta krajnjoj namjeni građevine se moraju ukloniti.

Član 15.

Uvjeti uređenja zelenih i slobodnih površina obuhvaćenih Planom utvrđuju se kao slijedeće kategorije:

- zelenilo općeg korištenja - aleje uz primarne i sekundarne saobraćajnice,
- zelenilo ograničenog karaktera - zelenilo uz građevine društvene infrastrukture (uz građevine: sakralne, za sport, obrazovanje, kulturu, komercijalne djelatnosti i sl.),
- zelenilo specijalne namjene - zaštitno zelenilo.

Ove površine ne mogu se koristiti za druge namjene, niti se mogu graditi građevine koje nisu u funkciji te namjene.

Izgradnja i uređenje zelenih površina vršit će se u skladu sa separatom hortikulturnog uređenja koji je sastavni dio elaborata ovog plana i tehničke dokumentacije izrađene u skladu sa separatom.

Član 16.

Ova odluka stupa na snagu danom njenog objavljivanja u "Službenim novinama Kantona Sarajevo".

Broj 01-23-328-1/00

Predsjedavajuća

9. novembra 2000. godine
Sarajevo

Skupštine Kantona Sarajevo
Dženana Zlatar, s. r.

Na osnovu člana 13. stav 1. tačka b. i člana 18. stav 1. stav b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97 i 14/00), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94), člana 35. stav 4. i člana 36. stav 2. Zakona o zdravstvenoj zaštiti ("Službene novine Federacije BiH", broj 29/97), Skupština Kantona Sarajevo, na sjednici održanoj dana 9. novembra 2000. godine, donijela je

ODLUKU

O OSNIVANJU JAVNE USTANOVE ZAVOD ZA ALKOHOLIZAM I DRUGE TOKSIKOMANIJE KANTONA SARAJEVO

Član 1.

Radi obavljanja specijalističko-konsultativne zdravstvene zaštite u domenu alkoholizma i drugih toksikomanija na području Kantona Sarajevo (u daljem tekstu: Kanton), Skupština Kantona Sarajevo, osniva Javnu ustanovu Zavod za alkoholizam i druge toksikomanije Kantona Sarajevo.

Član 2.

Javna ustanova posluje pod nazivom: Javna ustanova "Zavod za alkoholizam i druge toksikomanije Kantona Sarajevo" (u daljem tekstu: Zavod), u državnoj svojini.

Sjedište Zavoda je u Sarajevu, ulica Bolnička broj 25.

Član 3.

Zavod ima svojstvo pravnog lica.